

**Resolución numero: 38**

**Asunto: O grupo culto -BS-**

### **Testo de a resolución**

En cheneral, parixe razonable azeutar como emprego regular a simplificación -BS- > -s-, tal como se fa en os bocables populares tradizionalis. Exemplos: *escuro*, *osequiar*, *oserbar*.

### **Chustificación**

A simplificación -BS- > -s- ye a que se da en os bocables populares tradizionalis: *escuro* (<OBSCURUS), *escureldá*, *osequio* (< OBSEQUIUM), *osequiar* (<OBSEQUIARE), *oserbar*, *oserbación*, ez.

Exemplos populares: “Oi te quereba **osequiá** / con un ramo d’almendreras / culliu en Bal de Callá.” (Cleto Torrodellas); “Albertenzias que s’han d’**oserbá** en los santuarios” (Cleto Torrodellas), **en asoluto**, **oserbar**, **osequiar**, **escureldá** **escurezer** (Garcés, *Fraseología*, pach. 55).

Parixe que se puede fer ista redución popular en a escritura de toz os bocables que contiengan o grupo -BS- latino. Por exemplo: *astener-se*, *asolución*, *sustanzia*, *astrazón*, *astrayer*, *ostruyir*, *ostaculizar*, ez.

Por atro costato, ye azeutable bel ampre d’o castellano en que -B- > -u-, como por exemplo *ausenzia*.

Manimenos puede azeutar-se o grupo -BS- prenitado direutamén d’o latín en bels teunizismos cultos; por exemplo *abszeso* (“florongo”)

### **Bibliografía**

GARCÉS, Agliberto: *Fraseología de habla popular aragonesa*. Uesca, Publicacions d’o Consello d’a Fabela Aragonesa [col. “puens enta ra parola”, 13], 2002 (2ª edición: 2005).